

وفی ۳۰ نیسان ۱۳۲۸ سنه

پازار ایرتسی فی ۲۶ جمادی الاول ۱۳۳۰

|| جمعیت علمیة اسلامیة نك ناشر افکاریدر ||

مدیر مسئول
مکتب قضاة معلمان ندن
کلیدلی
منیر

سر محرر :
فاتح مجیز درس عاملر ندن
توقادلی
مصطفی صبری

صاحب امتیاز :
فاتح مجیز درس عاملر ندن
نصوح افندی زاده
مصطفی عاصم

مندرجات

قسم تاریخی		مصطفی صفوت	مبدأ فیض
طاهر المولوی	شام قنوجاتی	م . عاطف	مدنیت شرعیہ
ابن الرحی	دکن سلطنتی	ح . حسین	علمائک موقع سیاسی
احمد شیرانی	مدرسہ قضاة	م . صفوت	متلون ایکی لوحه قارشوسنده
ع . ط . .	ادبی باغچهلر	ابراهم لطفی	مبالا تمزلق

اعلان

نسخه سی ۱ غروش

آبونه اجرتی (پوسته اجرتیله برابردر)

ممالک اجنبیه ایچون :
۱۳۰۰ فرانک
» ۶۰۰۰

استانبول و ولایات ایچون :
۵۰ غروش
آلی ابللی ۲۵ »

درج اولنمیان اوراق اعاده ایدلر

قارئلر مرزہ

کثر مقالاته آیات کریمه واحادیث نبویه درج ایدلش بولندیفی نظرا عنبارہ آلنه رق رعایتسز لکده بولنلما می رجا اولنور .

[ترمیم طباعت محمد حلمی و شرکاسی عدلیه خانی نومرو ۱۹]

ایتمش بولمغله بوبابده براز اجاله قلم ایتمکده یالکز بزی
دکل بتون ارباب عقل واذغانی مجبور ایتمشدر .

مابعدی وار

ارمناکلی

مصطفی صفوت

مدنیت شرعیه ، ترقیات دینه

[اوچنجی وظیفه] اولیای وظائفدن اوچنجیسی
[بین الحصور منازعاتی قطع ، ظالمک مظلومه تعدیسی دفع ،
حقوق مای تأمین ایچون منتظم محکمه لر آجهرق عدل
وحقایت اوزرد فصل القضا یا و تفسیذ احکام ایلك] در .
[دردنجی وظیفه] اولیای امورک وظائفدن
دردنجیسی [مملکت ووطنی محافظه ایچون مکمل سلاح ،
منتظم سفائن وهرنوع آلات و ادوات حریه و بونلرک
موقوف علمی اولان قوه مایه استحصال ایدرک اعدایه
قارشو قوه مانعه ، برآ و بخرآ منتظم عسکر تشکیل ایلهده
تعرضات اعدای دفع ایلهجک قوه دافعه تدارک ایتمک و برده
داخل مملکتده قتل ، جرح ، ضرب ، اموال ناسه تعرض .
عرض و ناموسه تجاوز کی نامی ضررلندیره حق احوالک
ظهورینه میدان وریلیوب آسایش عمومی فی تقریر و تأمین
ایچون قوه اضابطیه تشکیل ایلك] در .

دها اشاعیده قوه مالیه ، قوه بریه ، قوه بحریه دأر
تفصیلات مکمله کله جکدر .

[بشنجی وظیفه] اولیای امورک وظائفدن
بشنجیسی [قوه بریه و بحریه حصه غنیمت یوقسه فرض اولان
جہادی اقامه ایتمک] در دها ایلروده جهادک احکام
وفضیلته و عساکر اسلامیه نک مزینته دأر تفصیلات
ویریه جکدر .

[آلتنجی وظیفه] اولیای امورک وظائفدن آلتنجیسی
[عشر . ذکات و سائرده کی ویرکو ورسومی جبات

و بوباره فی مصارف شرعیه سنه ، و بیت المسالده استحقاق
اولانلره و آلات و ادوات حریه به و نفع عمومی بولسان
جهنلره صرف ایلك] در .

(ابن تیمیه) حضرت تازی دیورکه : اولیای امورک
منالک ملکئی تقسیم ایدرجه سنه اموال بیت المالئی ایستدکاری
کی تقسیم ایتملری جائز دکلدر . چونکه حضرت فخر عالم
افندمن بیور مشلدرکه : (انی والله لاعطی احدا ولا منع
احدا و انما انا قاسم اضع حیث امرت = الله تعالی به قسم ایدرکه
کنندی کندیمه بیت المالدن هیچرکیمه به هیچرشی و یرده میه جکم
کی آدده استحقاقلری اولانلردن هیچرکیمه بی دمنع ایدم زبرا
بن بوامولی انجق قاسم . قانون آلهنیک امر ایلدکی یره
صرف ایلیکه مجبورم) . دیکر حدیث شریفده بیور مشلدر که
(ان بجلا یخوضون فی مال الله بغیر حق فلهم النار
یوم القیامه = بغیر حق بیت المسالده دالهرق ایستدکاری
کی آدن تناول ایدن کیمه لر جهنمده عذاب شدید دوجار
اوله حقنلدر] . کرک خلیفه ، کرک مأمورین حکومت
تبعه ایچون اعمال نافعه ایشلمک اوغرند حبس نفس
ایلدکلرندن خدمت و عملی مقدارنجبه هر مأمورک کندیسنه
وعالمه سنه کفایت ایدرجه قدر بیت المالدن وسط بر معیشت
ویرنک لازمدر . فقط مأکولات ، مشروبات ، ملبوسات
مساکن . مراکب خصوصاتنده شوات نفسانیه و اسرافات
بولی نظر اعتبارده انهرق بیت المالدن مأمورلره بول بول
معاش ویرنک هم حرام و همدره ملک و دواتک خرابی سنه
باعث وسعیددر . چونکه (امام علی) کرم الله وجهه
حضرت تازی مضر وایلسنه یازمش اولدانی [عهد نامه]
سندده دیورکه : (بریرک خرابائی اها لیسنک فقر و ضرورتندن
بشأت ایدر . اها لیسنک فقر و ضرورتی ایه مأمورلرک بلا
فاصله جمع نقوده انهما کارندن ایلری کلیر . بوده وظیفه لرند
بقالرندن امین اولمدقلری و حادثات کونیه دن عبرت آمدقلری
ایچوندر) . امام مشار الیه حضرت تازینک بوکلام عالیمی
مأمورلری جر منافع قصسدنده بولسان حکومتک تبعه سی

فضیلت و مزیت یتشمک ایچون اهل بلدی ترغیب و تشویق و بوجہ تہرہ اہالی بی سوق و اجبار اہلک و کندی کندیلرینہ کار و کسبدہ و تحصیل کالاتدہ بولنانلر حقتدہ دائماً معاونت و حسن معاملہ دہ بولنقی اولیای امورک و وظائفی چلہ سندنر، (امام علی) کرم اللہ وجہہ جضرتلری مصر والیسنہ یازدینی (عہد نامہ) دہ دیورکہ : (ارضک اعمارینہ عائد اولان ہمتک خراجک جمعہ اولان اہتمامکدن زیادہ اولسون . زیرا خراج - ویرکو ورسوم - معموریتک حصولنہ وابستہدر . مملکتی اعمار ایتحدن بالکز - نراج ایستہنلر ممالکی تخریب ، عبادی اہلاک ایتیش اولدقلری کجی حکومتلری دہ اوزون مدت سورہ مز .) امام مشارالیہ جضرتلرینک شوسوزلری مملکتدہ منابع ثروت و اسباب عمرانی احضارک لزومنی اولیای امورہ اخطار ایتکدہدر . [سکزنجی وظیفہ] اولیای امورک وظائفنندن سکزنجیسی [وجود و حیات بشریہ بی صیانت ، انساب انسانیہ بی محافظہ ، ارباب ناموسک حیثیت و ناموسلری وقاہ ، اموال عبادی حفظ ، ناسک عقل و ادراکلری صیانت ، عبادالہی برطاقم ادائیک اطالہ لسان و ہذیان وسائر کونا ظلم و تعدیات و اشکنجہلرندن محافظہ ایچون طرفت شارعدن وضع اولونان قوانین ، حدود تعزیرات شرعیہ بی اجرا اہلک و بوخصوصہ بیوک ، کوچک ، اشراف و آحاد ناس ہر شخصی مساوی طومقددر . چونکہ جناب پیغمبر ذیشان افندمن جضرتلری بیورمشلردر : « انما ہلک من کان قبلکم انہم کانوا یقیمون الحدود علی الوضیع و یتکون الشریف و ایم اللہ لو ان فاطمہ بنت محمد سرقت لقطعت یدہا = سزدن اولکی امتلرک ہلاک اوللرینہ سبب حدود و قوانینی ضمفا و فقراہ اقامہ ایلوبودہ اشراف و اغنیایہ اقامہ و اجرا ایتجملریدر . اللہ تعالیٰ بہ قسم و بین ایدہرمکہ فرض محال اولہرق قیزم فاطمہ سرقت ایدہجک اولسہیدی آنک بیلہ الی کسر ایدم .)

بوحديث شریف ایلہ نظر شریعتدہ مساوات کاملہ بہ

فقر و ضرورتہ دوجار و بو یوزدن ملک و دولتک خراب اولہجنی اشعار ایتکدہدر .

اکا بر علماء اسلامیدہ [الشیخ احمد الدہلوی] جضرتلری [حجة الله البالغة] نام کتاب عالیلرندہ دیورکہ [بو زمانہ بر بلدہنک خراب و اہالیسنک فقر و ضرورتہ دوجار اولسنک باشلوجہ ایکی سہی وارددر : بری اہالیدن کیکی وکلا . کیکی وزرا ، امرا و عساکر ، کیکی علما و حکام ، کیکی شعرا و کتاب کیکی مشایخ و دعا کو ، کیکی دہ سائر جہتلردن دولایی بیت المالہ کوزلرینی دیکوب بیت المالی ماکل ایدنک و ہرکس کار و کسبی ترک ایدرک رزقی اورادن اللہ ایتکملکی اعتیاد اہلک ، دیکری دہ زراعہ تجارت . اہل صنعت اوزرینہ آغیر ویرکو ورسوم وضع ایلکدر .

بر دولتک اصلاحی دخی ایکی اساسہ موقوفدر . بری اہالی اوزرینہ خفیف ویرکو ورسوم وضع ایتک ، دیکری احتیاج مقداری ناموسلی و مقتدر مأمورلر استخدام و انلرہ کفایت مقداری معاش اعطا ایلکدر .

بعدہ مشارالیہ جضرتلری : اہل زمان بو نقطہ مہمہ بہ متنبہ اولوب دقت ایلسونلر [بیوریور . مشارالیہ جضرتلرینک بو کلامندن اکلا شلمقہدہدرکہ : بر حکومتدہ تکالیف ، مکلفینک اقتدار مالیلرلہ متناسب وعدل و حقانیت دائرہ مندہ اولمازہ و عادتا اہالی صوبولوب صوغانہ دوند بر بلور و لزوم و احتیاجندن فضلہ مأمورنر استخدام اولنورہ آرتقی او حکومتک اضمحلالندہ شبہ ایدلہ ملیدر .

یدنجی وظیفہ [قلمہ ، طایبہ ، استحکام ، قرہ غولخانہ ، سفائن حربیہ ، سفائن تجارتیہ ، بالون ، کوبری ، یول چشمہ قیوقاریقہ شمندوفر کی منافع عمومیہ مشتمل اولان شیلری انشا ایدرک مملکتی اعمار ایتک ، امور تجارتک ترقیسی ایچون تجارتی ، صنایع نفیسہ وجودہ کتیرلیسی ایچون اہل صنعتی ، زراعتک تکمیل ایچون زراعی ، دنیا و آخرتجہ نافع علوم و فنون اکتساب ایدرک ارباب

علمای اسلامک موقع سیاسی

۱۰

دماء انسانک الہ مبارکی مدافعہ دین اسلام وادیسندہ روان اولان دماء شہدا اسہ آدن دھا مبارکی دہ تھادہ دینترووانہ یولندہ ریزان اولان مداد علمادر [۱] امت ناجیہ محمدیہ نک سرنوشت مقدراتی ترسیم ایدن شو ایکی مایع مقدس روز محشرده سنجیدہ میزان تدقیق ایدیلنجہ رشحات معرفتک ؛ قطرات حیمتہ ترجیح اولہ جفنی نی اعظم صلی اللہ علیہ وسلم افندمز خبر ویرمشدر .

تاریخ اسلام باشند باشہ مطالعہ اولسون ؛ کرہ ارضک اقطار مختلفہ وانحاء وسیعہ سندنہ انوار اسلامیتک واسطہ انتشاری اولان برق سطوتک سائق التامی نسیم معرفت اولدینی کوریلور .

علمای بلاغتک سرتاج ایتھاجی اولان بویوک برعلامہ ادب « ظهور اسلامده سیف شریعتہ قارشہ طورامیان متعصین عرب حکم بلاغتہ مقاومت ایدہمدیلر » مآلندہکی ستایشلہ بوحقیقہ تلمیح ایتشددر . بوکون بیلہ والہ وحیرانی اولدیغمز انقاض واطلال وایسینی دلالتیلہ ماضینک اعماق خفایاسندنہ خیال میال سجدیکمز عظمت واجلال اولینی مدنیت اسلامیه بخش ایدن فیوض افلاک عرفان دکلیدر ؛ بو تمہیدادن مقصد عاجزانہم علمانک وظائف دینیہ وسیاسیہ سنک اہمیت وقسیتی بیانددر . بر عملک احسان ومکافاتی اقتضامندہکی مشکلاتک عیاری ایلہ متناسب اولق طبیعیدر « افضل الاعمال احزها » حدیث عالی نبوی بو حقیقی کوستریور مادامکہ علمای عاملینک زودالیدہ نائل اولہ جفیلری تلطفات ومکافات اجل ثوابت اولیور . وظائف عالیہ علمانک درجہ اہمیت وعظمتی میدان بداہتہ چقیور . فی الحقیقہ « امر بالمعروف ونہی عن المنکر » تعبیر قرآنیسیلہ خلاصہ ایدیلہ بیان بو وظائف عالیہ نک اجزائی اودرجہ کسب صوبت ایتشدرکہ ایفا ایتکہ چالیشاجق

رعایتک لزومی کوسترلیدیکی کی کرک وضیع وکرک شریف جملہ نک فرقتہ قانون حاکم اولیان بویابدہ مساوات کاملہیہ رعایت اولمیان حکومت وملتک نتیجہ سی ہلاک واضمحلال اولدینی دہ اخطار بیورلمقدہدر .

« [تقوی زنجی وظیفہ] اولیای امورک وظائفندن طقو . زنجیسی (اصول مقررہ وقواعد محررہ سی اوزرہ دین جلیل اسلامی حفظ وصیانت ومبتدعینک بدعتلری رد وابطال ودرین مینک شجج وادلہ سی ایضاح ودرین جلیل احمدی وعلوم شرعیہ نی نشر ایتکدر .)

فقہاء عظام حضراتی دیورلرکہ : ممالک اسلامیه دن ہر اون سکن ساعتک مسافدہ اہالیہ اصول وفروع دینیہ نی تعام ومساءل دینیہ حقندہ کہ شہلری دفع ایدہجک ومبتدعینک بدعتلری رد وابطال ایلہ جک شریعت غرای احدیہ ببق واقف ومقتدر علمادن برزات بولندیرمق اولیای امور اوزرینہ واجددر .

[اویچی وظیفہ] اولیای امورک وظائفندن وایچی صلوٰات مفروضہ ، جمعہ ، جماعت ، اذان واقامت ، خطابت امامت ، صوم وحج کی ارکان وشعار دین مبین اسلامک ایضاسنہ نظارت ایتکدر .

ائمہ دین مبین اسلامدن (امام محمد) حضرتلری دیورلرکہ : شعار اسلامیه دن بری مثلاً (اذان محمدیہ) نی بر بلدہ اہالیسی ترک ایدوب بویابدہ اصرار ایدرلرسہ اوزرلرینہ عسکر سوق ایدہرک آنلر ایلہ قتال وحراب ایتک اولیای امور اوزرینہ واجددر .

بالمعوم فقہاء حنفیہ دیورلرکہ : دین مبین اسلامک ارکانندن مثلاً صوم وصلاتی عمدا ترک ایدنلری تعزیراً صلاح حاللری ظهور ایدنجیہ قدر حبس ایتک ویاخود وجودلرندن قان آقچہیہ قدر ضرب ایتک اولیای امور اوزرینہ واجددر .

مابعدی وار

اسکلیلی

محمد عاطف